





周益公文集第七卷

省齋文稿八十七

宋廬陵周益公必大著

啟四 並代作

上湯相求嶽祠啟

以下代王仲寧紹興三十年

潭潭公府萬方共竊於幘幘兩兩泰符一介未瞻於  
焜耀屬炎燠正行於夏令而清微穆布於薰風遙知  
廊廟之雍容密受神明之欣助寢養有裕戩穀無穹  
恭惟某官正直秉彝誠明貫道博通當世仲舒有王  
佐之才重任在躬伊尹先天民之覺早富碩大光明  
之業徧儀清華嚴近之聯深結異知驟膺大用懋展



經綸之志追还晏粲之期以士民則臻淳固之風問  
夷夏則底緝寧之勁豈特稽載籍之內名莫與双蓋  
常考中興以來功居第一矧讓德之滋茂視治功而  
弗矜惟江河之量有以推其心故草芥之微得以伸  
其喙伏念某周鄉賤士顏蒼寒生擁腫不材真鄧林  
之棄物疲駑無用乃樂廐之贅疣雖知屈首以受書  
殆類索塗而適埴偶延世賞獲綴仕塗旋繇銓部之  
試程俾主金陵之簿領舟車非遠俸祿亦優昔云幸  
而得之今乃有不然者親庭萬里方憂蜀道之難子  
舍一身敢顧臺城之樂居則念違於色養行馬慮

過於官期徘徊累月之間拘畏踰年之罪與其鬱方  
寸之懷而歎羝羊之觸孰若丐尋常之水而希輟鮒  
之濡用瞻赫赫之師備罄拳拳之懇願回鈞造特畀  
徽祠庶往來吳蜀之郊私心遂矣而積累歲時之閱  
寸進隨之肺肝永誓於銘藏父子共圖於報稱仰干  
威重伏俟誅夷

得徽廟謝宰相啟

陳情甚切自通公台管記之前加惠至深俾綴徽鎮  
祠官之後寬儲頌之大戮徇省侍之寸誠埏埴恩隆  
銘藏志極竊以重莫重於三旌之位微莫微于九品



之官能宥壞之勢分宜鑪錘之理絕三上書而不報  
昔馬事有至唯一出言而遽從今也談何容易蓋上  
相擴至仁之政故匹夫無不獲之私伏念某資本妄  
庸迹仍闔阨既寸力難充於晏御何姓名敢徹於膺  
門昨以賞延許親薄領雖官期之浸逕顧親膝之滋  
遥中實徬徨勢惟怵迫念終始受恩之厚誠無越於  
大人則恢宏播物之功必不遺於小子用瀝肺肝之  
懇自投缺鉞之誅豈謂竿牘甫聞甄陶已暨俾釋鉤  
稽之繁劇容叅卜祝之優閒家請官供坐竊代耕之  
祿冬溫夏清行趨孝禮之庭一被洪私兩諧素願此  
蓋伏遇某官道公母我德大有容象極承天運於掌  
上垂紳正笏應萬變于胸中雖彌縫輔贊之莫窺而  
沒引招延之可考凡名片善已悉使之逢辰魯是微  
生亦俯令其遂性門墻在望頂踵知歸某敢不靜言  
厚幸之耒推本曲成之自寬仁傑太行之顧將歸觀  
于嚴君反翰林蜀道之難頭追蹤于前輩共如報効  
何憚靡指

賀樞葉密啟

代人正月

紫誥誕頒黃樞對掌万乘仰成於宥密四方屬望於  
安疆竊以周設六官司馬聯于冢宰漢分三府太尉



刻于公台惟 聖神參考于前規律文武平分於大  
柄正資元老協贊多盤共惟某官道大才高器闕量  
遠鏘鏘鳴鳳覽德輝而下之濯濯祥麟為聖人而出  
也名實素高于中外眷知特異于臣鄰方其居副端  
橫榻之時固已有二政秉鈞之意小紆軌轍大振銓  
衡至於揖八座之崇資脩三朝之信使既踐更之略  
徧在登用以何疑遂自井泉進儀右武府有七德莫  
先禁暴豈惟逆折於遐衝天生五材安可去兵正賴  
坐恢于遠馭英髦大任軍國咸 依某久辱顧存欣  
聞冊拜漢得子房而勝千里諫聽運籌魯用仲尼而  
婦侵疆固知奠枕其為忭躍未易敷云

賀同知葉樞密義問啟

以下代監司

誕頒宸緯登貳幾庭光動斗宮映泰階之兩兩威行  
夷裔知四海之皇皇恭惟某官氣和貌粹而濟以剛  
李瞻詞精而貫于道凜然松栢靡容霜雪之欺粹若  
琮璜宜備郊丘之薦結綬即持于正論彩纓久歷于  
要津比逢公道之開連錫召音之寵朱繩勁直振兩  
院之威稜金鑑清明澄三銓之流品紬圖書于石室  
輦講讀于金華時譽益隆主知彌厚謂安危注意莫  
先樞管之權惟文武憲邦可補廟堂之缺是資一德



唐書公集 卷之二十七 九十九  
進本萬兵既望實之素孚宜遐遐之歸重用孔子而  
無敵天下古有成言得晉侯而運籌帷中今覩雖効  
某充員外計記跡大鈞瞻蔽帟之棠陰敢忘封植想  
深嚴之槐位征賴陶鎔幸居多指陳曷喻

回宣州朱舍人啟

政成嚴瀨命易宛陵前導後隨紛千騎旗旄之衆去  
思來暮沸兩邦謠頌之聲恭惟某官詞章為王度之  
華聞望作士林之冠西省早資於獻納南箕俄侈於  
蘇揚韓愈之訪曲江屢形絕唱子牟之存魏闕愈勵  
孤忠逮公道之太開宜左符之荐昇郡守民之師師  
少殫共理之勞執政吾之股肱即下延登之詔某披  
風自昔借潤在茲疊嶂岿峩阻奉謝公之樂朶雲娟  
妙喜披韋陟之書欣幸居多指陳罔喻

賀周給事啟

拜恩玉陛平奉銀臺名參黃散之班任極清華之選  
初傳除目充協輿清基惟某官德冠淵騫業窺稷契  
讀三墳而博古度兩漢以摛文翰黑策勲久矣中朝  
之第一忠精事上居然當

世之少雙方靈臺收偃伯之功顧武部豈進才之地  
疇咨碩望封駁瑣闥元素回天魏鄭歎仁人之論李



藩批勅裴公推宰相之風既茂著於多庸諒難淹于  
大用其外將使指阻慶賓筵鄂鄂常聞仰家聲之復  
振期期靡奉視祖德以何慚欣慕居多叙陳奚究

賀岳都純起起復啓以下代人

紫綉頌恩黑線泣事抑至情於苦塊增壯觀於醜貅上眷至隆  
師言允穆恭惟某官忠精拱極氣槩橫秋山濤靡孳於孫吳默  
究孤虛之要葛亮自方於管樂孰窺智略之奇隱然賢過於長  
城儼若形圖於煙閣方慶堂萱之茂遽纏風木之悲雖孝思慕  
魯閔之城力祈上印然國典有漢唐之旧唯狗倚廬既奪衰麻  
即頒節鉞某密聯王事敢緩郵籤惟欣頌之交懷匪叙陳之能究

同前

起從苦次復總戎昭將士騰惟旗旌動色伏惟某官  
孝道三略智違六奇仇戈衛社于薄代之初經武整  
畢于中具之後綵衣終養固殊蓼蓼之莪要經惧憂  
遽歎乘乘之棘顧制圃方專于一面豈呼門可待  
于三年是資移孝之忠用奉奪情之礼方圖往記首  
辱飛文惟作感之交怀匪叙陳之能究

賀池州周侍郎執羔啟

灼龜諏日分虎臨民畫戟前驅奉板輿而增煥其棠  
甫憇鄰梓里以交輝善政一敷謹誼四達恭惟某官



識窺聖秘知覓民先以英詞登罪甲之科以直道結  
宸旒之眷徊翔九寺典領三銓旋繇宰士之要塗寵  
拜秩宗之近列懷章出鎮寧辭蜀道之難引綬耒歸  
頓覓長安之近况此逖封之易治夫何游兩刃之足  
勞即頒一札之書趣正三槐之位某辱知素厚別德  
寢深猷薄技于春闈敢忘衡鑒望高旗于秋浦幸托  
帡幪方修贊善之書俄柱鳴謙之問其為欣悚交集  
襟襟

同前 以下代帥

敷綸內史改舍名藩以簪橐之旧臣鎮粉榆之鄰壤  
教條誕布民史咸歸伏惟某官識詔幾微李該象類  
道逢辰而日顯才遇事以風生自服周行寢儀榮路  
六卿分職論思獨着于春官十國為連填撫久勤於  
蜀道比上便親之懇果䟽易地之恩近尺五之天既  
易彰于政化旌二千之石當入補于公卿言念衰蹤  
夙叨雅契遠披尺牘喜聞四牡之徂齊蜜映上流更  
賴餘波之及晉其為欣幸莫究敷陳

賀吏部周侍郎 綰 啟

寵頒帝制擢貳天官日趨龍尾之階名列鷄翹之從  
老成登用輿議歡傳伏惟某官篤孝自其天資推文



追于古作三十年之外補忘存魏之心一万里以遐  
征嘗歷渡瀘之險既踐揚之滋久宜望實之交乎此  
自外臺入儀双宇詞章議論蔚為西漢之儒宗耆旧  
風流純是正元之朝士萬乘首嗟于見悅諸生成快  
于覩先魯芳歲之未周果荷橐之申錫人惟求旧始  
小試于吏銓道將行既即峻叅于揆路某依仍久矣  
閑閑欣然屬司宮鑰之嚴莫展賓閣之慶頌詠罔計  
之敷陳

同前代人

詔褒壽雋位列禁塗周子先生已著作成之効天官  
少宰正資鑒裁之公上眷至隆人言無間恭惟某官  
鍾英灵嶽藹蒼儒林克釀舜醴粹矣淵源之奉周情  
孔思燁然黼黻之文早彼選掄屢戡盤錯此馭靡辭  
于西土埋輪幾徧于中州歲適凝寒独見堅剛之持  
時方更化宜先耆旧之圖暫假道于賢關果陞華于  
法從矧是銓曹之要實為政地之儲蓋為國求賢既  
已坐清于流品則得時行道自能叅幹于鈞樞揜理  
必然指期可俟某昔叨聯事今睹除書憶别浦之班  
荆未周歲月仰明庭之持橐恍隔煙霄惟欣頌之交  
懷匪敷陳之能完



賀礼部曾侍郎幾啟 代師

光膺書贊進貳儀曹陪紫橐之近班寵清時之宿望  
 伏惟某官氣全剛大學造深醇有令聞廣譽而旋諸  
 身識前言徃行以蓄其德 先朝涵養早參麟臺槐  
 市之聯 上至選掄屢付龍節竹符之寄比圖壽  
 雋再踐周行方總群儒明二星於東壁俄升宗伯亞  
 八坐於文昌惟中興議禮之秋且大報躬郊之歲假  
 塗禁路姑蒐輯于上儀論政法宮即咨詢於故老某  
 傾幾舊矣闔閭欣然屬司留鑰之嚴莫展高閣之慶  
 其為頌詠罔罄敷陳

同前代人

輟從中祕峻貳春卿雲起蓬萊坐遠三山之路凡清  
 闔闔同趨九陛之朝恭惟某官懿行服人清徽映亡  
 擧旌書府誦河東三篋之亡振藻詩壇繼華黍六篇  
 之補粵從壯歲亟踐要津擅才名者四十年騰扶搖  
 者九萬里比辭熊軾入冠麟臺既冕旒蘭注之彌隆  
 宜籌橐論思之有賴矧測圭于日至方踐豆於周南  
 非鴻儒不足以練習稷容非耆德不足以相成熙事  
 上心所眷物望攸歸與弟子以起儀暫資制作圖  
 舊人而共政即贊謀某久仰英猷竦傳成命舜庭在



唐文苑英華卷之七  
望雖阻聞四岳之咨周禮既行尚及見兆民人阜欣  
愉備罄敷寫奚殫

賀游西謝提舉

叔啟 代帥

積歲奉祠阻遂朋簪之盍晚塗制閫幸叨鄰燭之分  
念霜臺殘數舍之遙而記室乏尺書之問忽傳音驛  
倍激感悰伏惟某官學術深醇性資夷雅庭蘭擢秀  
世傳康樂之風池草擣華人誦惠連之句懿行早儀  
於星省洽聞旋贊於月卿雖久安滕地之擗然常在  
明臣之目起膺郡寄四民騰愷悌之謠就陟使華一  
旦展澄清之志既長安之日近佇宣室之席前秋  
令云初商飈已屆冀慎實調之節進迎禁從之除頌  
詠攸深名言奚究

謝孝自代啟

代漕

某伏聞台慈荐某自代者國家眷求偉望擢真禁塗  
每於涖職之初申以奉代之制豈特覩其引類抑亦  
廣于求賢侍郎以豐沛之故人叅嚴徐之侍從胸中  
涇渭清濁奚逃皮裘秋智愚坐別茲繇版部改式  
夏官謂宜博選于實材庶幾靡負于推轂某之無似  
衆所共知意甚廣而才踈力雖多而効寡早陪諸彥  
妄意事功中值多艰其心流落比閑開于公道蒙起



廢于偏成旋被選掄猥忝漕輓坐閱再時之久曾無寸効之聞不稼取禾自知明甚拔茅連茹豈所當然敢期過採於虛名特與榮加于剡奏星星雙鬢懼莫稱于吹噓炯炯寸心顧豈忘于荷戴

賀戶部侍郎啟

以下代人

正位版曹升華禁橐司徒掌邦教式資安擾之功南風阜民財更賴幹旋之術九閩成煥無復門言恭惟某官行應時須識明政要以游夏淵源之孝無由求果藝之才雖洶洶風波能使帆檣之暫偃然森森松栢豈因霜雪而遂歆逮

上聖之灼知眷名儒而

復用皇華外歷宰事內聯文石之班宜扈其泉之駕豈特擇財經武坐令萬貨之饒固將足國裕人仰副九重之意其屬縻近甸阻遙崇墉侍從得賢喜符同於公論庇麻託跡尤慰愜于私情

回新江東王運幹

煥 啟

暫屈長材未禪外計辱書郵之為好知祖道之涓休伏惟某官懿行純全雋声清劬孔庭季礼久窺禹穴之竒儉幕泛蓮將訪秦淮之勝雖素志務安于平道而清朝正急于詳延試語掾于江東既攄婉画空馬群於冀北行肅召音某積歲傾瞻捐期晤對想方



勤于行返冀益保其冲和欣頌交深名言奚尽

典新摠領啟

代方少卿

陞班省闈董賦轅門內倚重於名即外增華於庸使  
除晝布輿頌四傳恭惟某官蹈德冲和搗文敏瞻自  
蹇旌于仕路即掉鞅於榮階剖竹臨民屢犯循良之  
績握蘭典選獨高簡要之稱輟自周行往臨禹會之  
所澄清之効著亦歛散之政陟明將造於從班錫寵  
更膺於劇寄仍之昌之峻戢調武於旅之餘糧士飽而  
歌益壯軍聲之十萬圖其旧佇觀海運之三千某久  
愧空餐茲勤揚糝祗膺嚴召固難俟駕而行載後來  
音或許合符而去其為欣懌難及名言

賀孟少卿

忠厚

判平江府啟

代外舅

揚庭讀命析爵分符左九棘之崇班既資寅亮右扶  
風之近郡復賴蕃宣溫詔剴傳嘉師栢悅恭惟某官  
望隆朝野道際天淵貴窮百執而秉德甚謙祿極萬  
鍾而禔身稱儉自解黃樞之柄久從綠野之遊四牡  
孔脩方趣韓侯之入覲周邦咸喜旋觀申伯之还南  
進寵秩於亞師聳多儀於三輔神旗豹尾掩昼戟之  
前聞希免篆車視朱轡而有煥稍奏裕民之最即  
歸秉國之均某方伏衡門欽聞盛事賜郭氏三公之



唐益公文集 卷之十七 二十七  
服已見班春為滕文一廛之氓敢忘賀慶青陽駘蕩  
玉節逶迤頭精茵鼎之調俯慰旄倪之望

回交代除即官啓

以下代郡守

比叨郡寄實踵英猷瞻之在前方歎所立之卓爾矚  
乎其後遂將交臂而失之欵惟一節之趨已奉九門  
之對神明所相戩穀來宜恭惟某官麗藻瓊敷英規  
玉立高文大雨早決殊科亮節貴名久儀要路方報桐  
川之政俄歸蘭省之班諒甫閱於歲陰即進叅於法  
從眷言朽鈍久闕風標雖合符許續於銅魚而騎氣  
已登於金馬不圖華翰先賁孤蹤聽清廟之朱絃但

知三歎聞二都之正義請誦終身

回教授啟

早並鄉分接英游而舊矣晚分符竹聯王事以次然  
未脩一紙之書先奉五雲之翰伏惟某官氣繇直養  
業以勒精中坦外莊士皆無怨而無惡左仁右義  
志歆有馭而有為方將校三館之芸聊復采泮宮  
之藻欵惟聖世稱重儒官大器猶規矩準繩因非俗  
吏之為也四維乃禮義廉耻必招諸生而誨之自慚  
假守之非才預恐化民之無術實賴範模之正助成  
師帥之功晤語非遙瞻言更切



賀周內翰麟之啟 代監司

疏恩中禁正位北門仙嶺提鰲應久虛之妙選玉人  
 馳騎奉迅召之彞章都邑聚觀簪纓聳歎恭惟某官  
 炳靈河嶽範質珪璋文與道俱故作者之名独高於  
 天下氣由義集故浩然之養不屈於宵中早連捷於魏  
 科旋徧更於要路自遊東觀已攝西垣視周漢之  
 文章可無愧矣如常揚之制詔其猶劣諸比升封駁  
 之聯兼寓凝嚴之直朝居青瑣回天嘉議論之功夕  
 草黃麻擲地美声音之振逮茲真拜時乃異知名專  
 翰苑之主人實冠清都之侍從王言之有七制必亦  
 假塗冢宰之正百工即聞當路某屬縻外計阻造崇  
 墉惟欣懌之在中匪叙陳之可既

同前代人

輟從東省擢正北扉滿一歲而為真式稽漢制侯  
 五軌而入直增煥唐儀自非傑出之英孰應久虛之  
 選恭惟某官道該衆善學摠九流笑談連揖於賢科  
 烜赫浸彰於令問凡曰清華之地孰不踐揚顧如粹  
 雅之辭人皆傳誦久独司於鳳掖旋寓直於奎坡博  
 物洽聞考近世莫能及者高文大冊雖古人無以過  
 之宜被寵於中宸特升華於內相竊考簡編之故實



茲為廊廟之權輿蓋雍容日侍於禁嚴故咨決備聞  
於議論班高內晏既先一品之官禮絕同僚行踐  
三公之任某逖聞成命倍激悰懼黃麻之似六經方  
規制作鴻均之轉一氣即預埏陶欣頌攸深叙陳奚  
既

賀中書舍人

孝祥啟代漕

光膺書贊就正詞垣紅葉蒼苔重詠鳳池之鳴佩青  
春紫綬共規淮海之俊人除目遠傳輿情胥悅恭惟  
某官才資卓越器範粹清孝博而精有若總龜之聚  
文雄而峻不殊逸驥之馳自擢冠於大廷即躡登於要  
路校讎麟省記汪螭杓凜然廊廟之婆籍甚簪紳之  
奮五花判事既久無寓直之榮六押分負宜寵錫真  
除之命恩章特異眷簡稱隆紬繹典謨方且上規於  
姚姒推明德意豈惟近比於常揚諒無歲月之淹亟  
貳機衡之峻某猥參漕輓實賴庇庥逖聞成渙之頒  
阻綴賀賓之列其為欣懌莫究敷陳

同前

代監司

疏思禁幄正位綸闈參法從於其泉豈特妙儒臣之  
選敷至謨於寰海又將為王度之華喜動群工光生四  
戶恭惟某官詞鋒峰峻拔學殖崇深冠時髦於談笑



之間躋榮路於休明之際君臣契合視前世以少雙  
 德業恆陶號中朝之第一自秉螭蚴之筆即裁鷗閣  
 之文紅采翻堦昔既勞于久假紫薇伴直茲果慶於  
 為真畫三接以方來歲久選而未艾灑灑噩噩姑  
 上追二代之書業業兢兢即入贊万幾之政某外將  
 使指迤望賓階雖莫遂於趨風顧敢於贊善其為欣  
 難尽名言

省齋別稿卷第七

周益公文集第八卷

省齋文稿八十八

宋廬陵周益公必大著

賀左史黃舍人

中啓

以下代監司紹興三十年

親承睿獎入綴從班輟領袖於麟臺振羽儀於螭陛  
 維時在列共慶得人共惟某官莊重有常剛方不撓  
 早以游夏淵源之學發為卿雲黼黻之文射策宸廷  
 高出群公之右彰纓榮路久游三館之間旋從封爵  
 之司峻陟師之儒長抗旌絕幕比鄰之好益堅率屬  
 登瀛東壁之星愈煥騫翔滋久名實具孚爰參黃闥  
 之班進珥赤墀之筆賢人之德賢人之業既詳試於



朝端王言如絲王言如綸郎序陞於詞禁某外相使  
指述望賓階雖莫遂於趨風顧敢稽於贊善其為欣  
懌難盡名言

賀任祕監古啓

敷錫恩綸寵褒賢德輟副端於栢寺躋少列于蓬山  
光同東壁之二星喜陝金閨之諸彥恭惟某官道原  
深造文体兼該挺渾金璞玉之姿負烈日嚴霜之操  
自造鸞班之列即陪烏府之遊正色立朝俾小人之  
自遠忠言劇上非大体則不陳既久宣彈劾之勞宜  
改付清華之任果膺宸渥擢冠英纏命御史而掌蘭  
臺姑遵漢制以祕書而豫朝政即用唐規某底畏官  
箴阻干賓謁殊聽選掄之重何勝欣悅之私

賀汪殿院澈啓

寵頒方贊擢列副端憲簡凡生共仰正臣之進朝紳  
草偃喜逢公道之開恭惟某官局度方嚴性資誠慤  
文掃百家之鞏悅孝究六籍之源流操挺松筠歷三  
冬而不改瑱堅金石經百練而愈精平時靡急于人  
知此歲自膺于上眷校讐中祕方觀子駿之通經糾  
密南臺俄見馬周之悞主未溫坐席荐被除書以剛  
明練達之才當彈劾繩之任上則維持于國事下將



唐書卷之八十一 卷之八十一 卷之八十一  
逖遠于官邪鼎鑄而魑魅莫逢人皆有賴霜嚴而鷹  
準始擊于今遠共時竚酬鯁亮之言越進彌諧之列  
某屬將使指阻慶賓增惟欣澤之在中匪叙陳之可  
既

同前 以下代總領

誕頒鳳詔增峻象冠殫勁節而事聖君茲惟時矣振  
直声而肅朝列孰不仰之除目遠傳師言允穆恭惟  
某官以博古通今之孝負絕群邁往之才見善明而  
用心剛故議論不隨於流俗執德弘而信道篤故設  
施皆合于古人三年細館閣之書一語契冕旒之意  
暫勤分察旋陟副端風采所加何止能搖于山嶽威  
稜既着固將盡屏于豺狼上以酬萬乘之選掄下以  
報一臺之剛紀益隆異眷即踐中司某猥以駑才總  
茲軍賦違光塵而浸乂託芘蔭以居多鵬鶚之在秋  
天方觀凌厲燕省之賀大厦徒切欣愉

賀吏部葉侍郎啓

疏恩禁幄正位從班綜叙群才方賴崔毛之德裁成  
大典更資遷固之文簪囊得賢縉紳交慶恭惟某官  
德能輔世道可覺民精忠早簡于聖神政術屢更于  
事任自登烏府頻發獸樽虎嘯谷而風生姦萌盡折



玉在山而水潤善類咸依均殫効之勞越進論恩之  
典司銓部譔次信書少常伯之清塗既列六曹之長  
大吏公之重任又為二府之儲某宿賴芘休逖聞進  
擢屬總和門之賦阻陪大厦之賓欣忭于中敷陳奚  
究

賀工部楊侍郎啟

寵膺宸命登二冬官猷納論思既助倪寬之間作匠  
工技巧又禪宣帝之中興除目搖傳輿情悅懌恭惟  
某官才華卓越器範粹清眷知獨異于在廷士論久  
期于持嘉省聞踐歷嘗炳煥于郎星宗寺委蛇又

先華于御月春言起部允謂名曹舜若予工命或先  
于三禮周為民極職位列于六卿厥惟俊邁之資乃  
副選掄之意告猷禁略足殫致主之謀扈駕甘泉更  
後崇儒之効某為違離滋久瞻係實深逖聞出綍之  
言阻綴登門之客其為欣忭罔究叙陳

上沈丞相啟 沈方進易解代人

柱石王庭久仰棟隆之吉調膈公餗方覩鼎實之亨  
欽惟兩儀交泰之時內盡四體觀頤之道休有自天  
之祐耒臻視履之祥恭惟某官直大以方光輝而實  
備賢人之德業懋君子之經綸黃裳之文足以藻飾



乎治世白賁之賁足以砥礪乎貪夫早值離明屢膺  
渙渥作樂而薦上帝妙制作于春官施命以告四方  
罄論思于夜直接物謙謙而有吉事居蹇蹇以無尤  
知微知章知柔知剛望寢隆于中外或出或入或默  
或語道每順于盈虛逮九重革故之秋乃群小剝廬  
之日真才萃聚何止十朋之龜大號夬揚有蕃三接  
之馬車積中而任重川利涉以安行方且懲忿窒慾  
而堅二簋之誠思患豫防而盛西鄰之禴求明玉以  
受其福除戎器以戒不虞萬國咸寧百官以治永禔  
天地之長久無復冰霜之始凝其典職童蒙身居豐  
節念邇如之甚久每嗟若以自憐况衆賢皆願于說  
隨豈小醜敢懷于肝豫待時而動妄思尺蠖之伸現  
國之光肯作羝羊之觸頤博也膏之施仍寬資斧之  
誅如是則鶴鳴在陰庶假與靡之爵鴻漸于陸亦  
參可用之像進必有歸言不盡意

賀金陵韓帥啓

以下代總領

內史敷綸侷藩作牧資兼文武既坐鎮于兵民望重簪  
紳復典目於管籥恭惟某官器凝簡重學造淵源以  
儒雅而預思論以剛明而理繁劇進擢遂登于八座  
翱翔始徧于六曹粵持嶺海之麾咸後鈞樞之拜會



唐文苑英華卷之八十八  
晉京之調守碩德以庇民爰屈老成來分憂顧且日  
畿要壞尚彈壓以靡勞矧天慙粵區宜談笑而可治  
麟符暫綰鳳沼旋登庶成輔佐之勲用展經綸之業  
其自惟衰鈍夙幸瞻依周府負丞嘗預悌懷之末漢  
營總賦將承罄効之餘

賀徐信州林啓

紫泥封誥阜蓋隨車起簪橐之近臣鎮股肱之名郡  
恭惟某官淹該博古端重鎮浮早歷華途多士恭惟  
於耆德比躋禁路嘉猷屢沃于淵衷暫違兩觀之觚  
稜旋畀上饒之符竹民諄事簡顧卧治以有餘望高  
諒邁歸之可待既觀共政用罄同寅某繼高躅于柳  
營託餘輝于扮杜懋棠勿剪居懷召伯之思維梓必  
恭遙詠周人之雅其為欣頌罔既敷陳

同前 以下代漕

大君有命侂人維藩褰賈父之帷輔臨樂國詠廉君  
之袴已致歡謔恭惟某官雋執名流儒紳舊德氣浩  
然而不屈故每任於行藏名籍而益彰宜久隆於獎  
擢方 上聖重牧民之選俾近膺分土之榮謂其日  
侍於禁嚴可以熟於德意津煩者哲來表循良以秋  
官議獄之明於听訟乎何有以版部理財之効則裕



民而可知望之既試於平原汲黯即還於禁闥其披  
風以幸聯事更榮輓粟非長正賴幘幪之庇懇崇在  
望敢辭原隲之勞欣愉居多喻陳莫究

賀戶部董侍郎羊啓

輟剖竹符峻持荷橐周卿掌邦教正資安界之方舜  
琴阜民財更籍幹旋之術郅音之傳遠知親擢之得  
人恭惟某官重厚而䟽通端良而樂易早游霸府參  
豐沛之故人晚踐周行值唐虞之盛際外則使節州  
麾之徧歷內爲郎曹鄉寺之游更茲由簡擢以牧人  
乃復曳鳴而入對上心念舊未容褰鄞水之帷

帝命維新趣使從甘泉之駕矧嘗司于九扈每深戒  
於二䟽本末原流既達理財之彖優游瞻足寧收富  
國之功某漕輓非長幘幪有賴聆除書之言布豈慶  
聞之敢稽欣頌于中喻言何既

漢州謝到任啓代外舅

浪迹江湖竊慕散人之號䟽榮觀闕驟分刺史之  
權戴橐籥之恩深愧餅壘之量隘伏念某起家寒甚  
典世邇如意廣甚而才疎心每勤而力困平時事業  
有類虎頭之癡薄宦兢受常虞馬尾之誤昨以問問  
之小子久陪臺省之諸公人笑揚雄何爲官之拓落



自憐方朔聊棲位以從容粵襪被於栢庭尚剖符於  
桐水雖賴洪鈞之播物豈期續努之射人蓋由所領  
之邦遠治無辜之獄償使曲加文致稍甘使者羅織  
之心其如妄奉事端將失朝廷寬平之意未容投劾  
俄以汰歸幸公議之甚明在私情而何憾一立一壑  
方且浮游三沐三薰忽蒙蒞援爰從家食復畀州麾  
朝引紳而示故人夕飲冰而問前路既賴滌瑕之施  
詎辭叱馭之勞舟車幾萬里之遙寒暑涉三時之久  
捫參仰脇固知蜀道之難見日卒頭尚覓長安之近  
况此土風之美居熟民俗之淳江山雖岷浙之殊郡  
縣實漢唐之舊誤叨共理殊愧空餐茲蓋伏遇某官  
道可竟民忠能致主納誨而輔台德巨川資舟楫之  
功以智而為帝謨元首賴股肱之善秦符愈煥嚴石  
增隆俯憐椶闌之小材曾是門闌之舊物故推涓滴  
以活焦枯某敢不深察吏謾勤求民隱布垂政惠實慚  
王濟之風安輯蠻夷尚効子嚴之治

賀楊州劉安撫

岑

啟

以下代監司

一麾出守甫被詔除十國為連就膺閩寄上列侯之  
印組植元帥之旌旗喜極旄倪光生巡管恭惟某官  
士林宿望禁路老成如漢君房言語妙于天下如唐子



厚議論屈其坐人早殫啓沃之心久袖經經之手逮  
聖之圖舊須哲艾以奮庸荐膺宅牧之求用視秉鈞  
之漸民之攸暨既興襦袴之謠王曰邁歸即奉絲綸  
之命某猥塵使事密借鄰輝挹淮海之波潤通津不  
隔想平山之風月半坐遙分惟欣頌之交懷匪叙陳  
之能究

賀兵部楊尚書椿啟

誕敷明詔因任耆儒武部久居就正夏卿之駘奎坡  
舊直併升內相之華疊二命以峻遷實一時之榮遇  
恭惟某官業窺稷高德并淵騫方其舊迹于西南固已

騰芳於中外逮陪興運徧歷津要以道事君蓋恥同  
居於妩媚有猷告后每務竭於忠精比擢二于司戎  
仍兼官于視草世推洪祀蔚為文武之全才帝眷常  
公時訪國家之大事將付股肱之寄先登喉舌之司  
挈八座之荷囊駕班重加賜九重之蓮烛鼇嶺增崇  
某夙幸瞻依欣逢進擢已知頗牧叅議論于禁中行  
慶蕭曹措治安于海內其為忤躍豈易名言

賀吏部洪侍郎遵啟

輟從西掖進貳中台策舊勞于翰墨之林試游刃於銓  
衡之地班聯愈峻寵數加隆恭惟某官道覓民先學



唐書公集卷之八  
卷之八  
三十一  
窺聖秘詞章峻潔如東流赴海以奠礪問蒼光輝  
若北斗麗天而可仰久儀鳳省旋侍螭階自入贊于  
命書即兼承于密旨帝王之制坦然明白豈惟四海  
之流傳道德之威成乎安疆抑亦九重之倚信眷言  
先正嘗著殊勛身雖不踐于台躔慶實有開于後嗣  
已回旋于法從即參預于政機茲惟天理之當然矧  
復人心之咸屬某繫官江上注目日邊聞賢哲之得  
時與士民而晉慶其為欣頌罔究敷陳

賀禮部宋侍郎 某啟

祇奉贊書擢登宗伯副疇資于四岳參法從于六官  
既德望之素孚宜師僉之允穆恭惟某官身兼數器  
名冠群倫負拚繁治劇之才濟博物洽文之學入儀  
司府明周官式法之功進貳奉常擅鄭國討論之美  
况早歲以躋于蘭省而比年屢剖於竹符九重夙簡  
于深知多士共推于久次果自鄉聯之峻躡升禁路  
之華惟是春官寔司邦禮俎豆聞之已必將脩盛世  
之弥文鍾鼓云乎哉豈特考有司之故事某屬將指  
使阻遙賓階但同封部之民日佇中和之化其為欣  
愉難盡名言

戶部邵侍郎大受啟



周益公文集 卷之二  
疏恩天陞正位地官扈清蹕于甘泉佩紫荷於禁路  
詔除誕布輿頌交馳恭惟某官與學邁倫英規表世  
早歲入儀於觀闕中年自樂于江湖玉點于蠅何傷  
潔白珠藏于蚌愈見光輝逮聖政之益新適宸衷之  
圖舊握蘭星省持節日畿既並着於休稱顧難掩於  
近用果繇宰士擢二版曹總少皞之九農明有商之  
七教三十年而制用既豐內府之儲五百歲而應期  
即輔中興之運某猥參漕輓實託庇庥栴縻莫遂於  
登門賀慶敢稽於削牘其為欣頌未易敷云

王給事

晞亮

啓

承恩金殿進位銀臺資獻納於辰猷振途歸於夕拜  
一聞成命咸激懽悰恭惟某官學有本原氣全剛大  
雋譽早飛於庠序英聲久藹於簪紳比繇宰掾之聯  
進陟事官之貳得時行道兼寓直於黃扉滿歲為真  
遂正名於青瑣惟茲重任時乃要途元素回天舉世  
歎仁人之勇李藩批勅在廷推宰相之風既遠繼於  
前修竚入參於大政某改轅無補托庇有初逖聞錫  
命之優莫展登門之慶其為欣頌何罄叙陳

沈正言

濬啓

誕布綸恩擢司言責輟烏臺之六察參騎省之七人



公道既開輿情胥慶恭惟某官氣和節勁志大才高  
既問學之家傳亦剛方之世濟談經朱邱涵遠業以  
靖共奉對丹墀罄嘉猷而啓沃雖親擢亟升於我躬  
而昌言未究於伏蒲遂自南臺進參右挾魏徵補闕  
遠追文正之遺風吉甫劾喜近見贊皇之賢嗣統纔  
温于坐席即交秉于政機某竊叨江干依仁宇下聖  
賢相逢而張治具已際明時日月亭午而無邪陰更  
觀盛事其為欣懌難盡名言

謝人酒官啓代子上兄紹興三十一年

量其才而有請甘試吏於糟丘狗所欲以無為遽疏  
恩於甕牖自憐小醜亦點大鈞伏念某人品微寒家  
聲沉寂士皆務學願慚不學之愚世遠求才獨抱非  
才之嘆板綠一念拓落半生進不能條當世之便宜  
上書於北闕退無以致全家之飽煖負耒於東阡三  
年畢成於祠官一馬來游於帝所羈單寡援鵲繞樹  
以安歸志願易克鼠飲河而已足幸逢稷契力贊唐  
虞收羅可用之英才恢廓未伸之公道擁衡誠設重  
輕不可以物期水鑑橫陳奸醜固難於形迺輒忘不  
韙妄冀蕪收念旅進於數百入之中初無借手姑求  
官于三千里之外何敢傷廉雖錡壘未免於勞心而



升斗得寬於糊口此蓋伏遇某官以時俊傑為國阿衡籍甚有聲久著經綸之効澹然無我莫窺好惡之私稍霑造化之功即是鑪錘之物某敢不深思幸會勉服官常漢家賴權權之利源儻裨課最晉國舉筦庫之能吏願預恩憐

與恩平郡王啓

代外舅隆興元年

遐徼撫封蔑聞善狀近畿徒節遽奉皇華惟易地之過優豈非才之敢望伏念某生而庸陋老更鈍頑引分歸耕乃為宜稱冒恩乘障常恐顛隳頻年捫蜀道之參一旦近長安之日維孔門以片言折獄知難繼

於前脩然歎使以六條察州幸具存於成憲况依巨范或免大阿恭惟某官秉德高明宅心寬厚追攀貳猷既學問之天成糾合諸姬亦聲猷之日茂久賜苴茅之履寢高列棘之班隸莘之鄂方輝盤石之宗益壯某甫茲弛擔復此辨嚴銜寵榮引綬徒驚於郡邸自欣幸曳裾將覓于王門瞻頌交深叙陳莫究

謝解啓

代十四年弟乾道四年

上踐祚之七十年正切新田之采詔求賢於三載豈徒舊貫之仍惟江右之多才而廬陵為稱首既有司勞于考閱故不肖得以叨塵雖曰幸焉亦云愧矣竊



為科舉非以待英傑而名鄉以仕進之階試程豈所  
為文章而前輩或觀公輔之器自西漢以來未能易  
此雖仲舒之學亦必由之達 本朝博問以旁詢歷  
諸老深思而熟講雖規模歲月間有更革而經術詞  
章要無等差上以是求下以是應故糊名圍棘非禮  
也不敢以為薄衆飯糶簞非高也而不敢以為嫌惟  
其舉出于公心是亦何傷于直道譬之索馬市駿骨  
則千里之足來如彼披沙得金鑛則百鍊之精在儻  
由此聖賢之相遇則自然世道之交興如必厚之非  
才豈斯文之敢讓徒以少失先人之緒訓莫承奕業  
之清芬僅嘗屈首以受書終愧強心而為智雕虫自  
笑况在宅人畫虎不成果為何物雖已無心于利祿  
顧慚有道之賊貧方旅進於八千人之中僅遊曳白  
俄同於七十子之內大類奪朱既非出於素期且甚  
慚于公論此蓋復遇某官心潛聖哲名震華戎以孤  
忠亮節儼禁途以崇論宏言侍 帝幙暫游綠野行  
轉洪鈞翰墨篇章國人皆有所式施為注厝天下想  
聞其風既幸仰高敢忘立懦偶綴賓興之末率繫指  
授之餘某不敢思舊遠圖更殫薄枝事惟求遂于以  
少副 明天下採擇之公歸則有名庶幾不負鄉先



周益公文集 省齋稿卷第八  
先生作成之賜

省齋別稿卷第八

周益公文集第九卷

省齋文稿八十九

宋廬陵周益公必大著

上陳丞相書

代大兄紹興三十一年

某竊謂尊且榮者惟大丞相而事之重者亦莫大丞  
相若也官一品祿萬鍾運動樞極斡造化喜有賞  
溫乎其春怒有罰凜然其秋百辟之所儀刑九重之  
所體貌仕宦至北信尊且榮矣鷄初鳴澤笏委佩翼  
趨於帝庭日與天子論經國安民之道退而坐廟堂  
則卿大夫以次白事劄國日有啓聞萬物之微無不  
關總應酬小差利害立見人徒位之尊而不知心常



下也人徒見身之榮而不知念常深也丞相之事既重矣乎中央以求築堤河者十有二而相公相惠期佐在為國元老海涇而嶽鎮之不足以喻其量也文經而武緯之不足以喻其才也逐日以新隨風而流又不足以喻其勲業名聲也今者獨專魁柄裁成萬化四方万里自一命以上孰不願見而可使者事何由而濟績何由而成願相公博采於平時精擇于一旦參之以衆多之論照之以永鑑之明孰善理財孰善治民孰善濟繁劇類而籍之以俟有用將見藹藹王多吉士惟君子使而媚于天子矣此擇人所以貴於有素也自古進退人才多不能泯愛憎置息怨牛李紛紛迭相排其禍有不可勝言者嗟夫勢利之徒朝夕門墻雖一歲九廷其官彼且以為當得偃然有無涯不已之心緩急則向皆見矣今賢人君子豈无嘗經擢用而廢棄者而閑散者而典領藩郡者相公胡不引而置之臺省寺監以責其效以及其才乎夫專用后来孰若已試之鮮緩峻迂驟用孰若迭出之均一釋二美而不為殆非所以重爵祿慎名器也用人豈可不以至公乎孟公綽之才不可屈之滕薛黃穎川之政不可移之宰輔何者大小不同故也設官



分職其事不一賦才稟德其理亦不一柰何在上者不度能而授之在下者不量力而受之使強明幹敏者或徘徊于散地而懦緩樗散者反應日不暇給之務乎任人随才此又不可不汲汲也嘗試以是行之則百官必稱其職百官稱職則万務自牽矣相公都俞岩廊之上從容槐棘之間天下稱其賢後世頌其美肖曹之勛何足道哉某遠方之鄙人也往者屢拜下風今以調官來行都竊喜相公之德化願再望顏色而不無求知之意焉雖然自敵以上其賢見者不可无說有雅故者則恃其雅故有介紹則取必介紹或以資格進或以論薦顯咸無焉則又趨趨囁嚅以効其勤滑稽脂膏以獻其佞期必售乃已若某者孤寒無能而粗知自守者也既无前四事可以自媒繇後之二者竊又耻之故殫精致思陳愚者千慮以仰俾聰明之万一庶幾自別於旅進之士而妄意一盼之寵惟相公察其忠而恕其愚不宣

又上朱叅政書

同前

其不佞竊嘗妄論古之賢人君子所以能任大事立大功脩身則身脩治國則國治者其說有三焉曰才曰學曰德而已蓋人非才则无以行才非學則无以



明學非德則无以成方人之少也志氣敏銳視盤錯肯祭莫不迎刃而解可謂有才矣然而天資雖高浩養未至中扁所守外物或得以挫之譬如乘輕車策駿馬固可日馳千里至於積中任重則有時乎敗矣故必少安下位深涵遠業以克舜文武周孔之道端其源以三代漢唐之事暢其流然後物來能明事至能應彼雖膠擾擾而吾優游自若也學明而德成其效此如始可以為成材而堪世用矣昔諸葛孔明卧龍也然且躬耕南陽抱道草廬及蜀主三顧乃慨然以當世自任至唐元禎宗元之徒其才雖高未固驟居要路輕試而妄用之難乎免於顛沛矣由是而言才以行之學以明之德以成之固自有次第哉恭惟閣下以經術文章少年取名第馳雋声所居之官大所為之績成凡命宣諭于外者莫不交口稱道章在公車可覆視也人謂三日接歲九遷矣顧乃輕視爵祿專意古學凡廣大精微如六經奧美辯博如諸子上下數千百年如史氏典章法度如本朝率皆深窮而力究如是者二十年經綸之學富矣中外之望隆矣于是時也天又相之乃當主土勵精更化圖任舊人之際而閣下實首進焉一命而為爭臣曰以克舜



之仁義 祖宗之勤儉沃上心正固是再命而為中  
執法非特姦邪畏其鯁峭也善類蓋有賴焉三命而  
登朝堂則又及以平昔之所言措諸行事今鼎席虛  
位拜進在旦暮矣人徒見閣下之德顯著如此而不  
知天賦其才於初寃所學於中如積春夏以成歲功  
而非一日所能至也某一介賤士身游大治幸因調  
官得望顏色而言辭淺訥不能歌詠勲業以為賓贊  
之籍姑臆度閣下杜德機而冒陳之若乃既見壺子  
則必有自失而走者矣不宣

小簡

謝執政小簡

代方總領紹興二十九年

某官鈞坐某區申詞之儀謹具右幅即日恭惟雍容  
廊廟綏靖華戎六氣順迎鈞候動止万福融和在序  
仰乞上為宗枋盡珍重理某無任懇禱不備

某猥以孤蹤庇身大治日與黎庶涵泳膏澤百生之  
幸無以喻云惟是違去焚座行再期矣咫尺之書雖時  
瀆顯融之听而奔走左右則未有期恋慕之思祇覺  
方寸尚乞矜念

某不佞讀虞夏之書則知大臣謨明弼諧之功讀商  
周之誥則知大臣立經陳紀之效昔聞其語今見其



人其官邁德如臯陶格天如伊尹交修如傳說至於制禮作樂則又視周公為無愧此非某之私言也天下之公言也敢以為黃閣之獻

某人品么麼斷斷弓無他技某官封植人材不棄菅蒯拔自常調列之即曹資淺望輕常畏二十八宿之笑今乃第其功次曲如陶鎔使預司府少列之選夫以名叅鄉月取應使星人前以為美仕而庸虛不肖者併得之自非造化深功豈易臻此空言何足叙感姑以見其万分一耳

某竊考成周設官凡五計之臣鮮不及軍旅之賦若乃均節財用則太宰專之蓋所謂主計者不過各出納執式法而已唐以輔臣判度支用此道也今錢穀大計實本廟堂之規蓋顧乃錄屬吏之卜勤幸陟明之盛典无功冒寵以惧以慚中心藏之何日忘之願賦是詩以為謝

某聞之書非可以尽言言不可以尽意然傳千里之恣恣寫寸心之拳拳捨是則无以自見用忘犯分澡雪精神裁為短啓致之記府其視言意兩忘者不猶愈乎若曰坯穴微蟲簧鼓太虛則某知罪矣

回江東王運幹

漢小簡



唐文公集 卷之八  
其頃趨佐尚書於板部稔聞俊譽恨一面之未遂也  
茲承贊晝計臺乃可朝夕見何慰如之顧上春猶有  
寒色而脩塗不死勤止衛生有術願如之意執事文  
孝政事得家傳者是宜妙齡秀發已為朝廷所知闕  
步要津可拱以俟婉婉幕中直假塗耳既喜視印有  
期且慶峻擢之隨至也

親書

妻妹親書

代外舅

東阡西陌幸容自附於鄉鄰北富南貧敢謂見求於  
昏對既早識盈階之玉遂遠馳擇婿之車伏惟某人  
得雋詞場信人門之俱美而其第幾女畱心女誠處閨  
閨以自脩及笄之議于有行委幣過勤於不棄施衿  
般華而從父母雖未至於柔儀執箕箒而奉姑孀亦  
勉承於嘉命乃如微物以別具牋

王蘊親書

乾道五年

北陌東阡昔以朱陳為重故家遺俗今何齊鄭之嫌  
幸附一廬之庇願承二姓之好伏承令姪女三小娘  
閨門夙著在齊眉舉按以非難而其姪孫登仕即蘊  
家闕雖衰尚坦腹食牀之自若占既諧於鳴鳳喜或  
類於乘龍微物有常別緘具載



樂語

廣德軍鹿鳴燕樂語

代外舅紹興二十六年

興賢能而獻王妙選已書于鄉老實幣帛以將意旧  
章必燕于佳賓伏惟解元諸先輩焚筆才高然箕思  
敏能賦擬卿雲之作窮經談伏鄭之非連東海之六  
鰲氣吞餘子定聯城于一箭勇過三軍知郡某官輟  
自經惟未分符竹体聖上崇儒之意敦郡侯勸駕之  
風奚即黃堂徧延珠履况右席雍容之別乘乃異時  
論譔之名流賓主俱賢擬是德星之聚舍吏民政觀  
肯信儒冠之誤身重茵爭看於翻紅疊鼓屢催于牽白  
若古有訓不醉无歸但其等謬列伶人叨持樂色雖  
賤工之无取幸盛礼之親逢不揣荒蕪敢呈口號  
才子觀光入帝京使君勸駕意殊深騎蟾定喜攀仙  
桂鳴鹿先須詠野岑好去玉階方寸近休辭金盞十  
分斟明年三月鶯花麗洗眼宮袍宴上林

請廬師樂語

紹興二十九年

碧幢紅旆將宣渴口之威名紫鶯黃鸝先賞江南之  
佳麗爰開賓宴用洽鄰歡伏惟某官氣直金方謀  
高玉帳早提義旅全生聚于泗濱中領偏師盪妖  
氛于顛水謂合入司于岩陛乃勤出鎮于師藩緩帝



輕裘隱吳公之敵折衡固圉賢李勣之長城某官念  
兩邦相望之非遙聞千騎來臨而甚喜平分風月傾  
倒樽壘盍盡醉于芳春庶少留于行色云云三月春  
光未肯休兩邦賓主總風流照階旌旆交輝映環坐  
笙歌競

向宅親書

已下并代大兄

生而有文中子所以歸于我占之曰吉有媯所以育  
于姜惟二姓開天合之祥故六交遇咸亨之象伏承令  
姪女幾外子襲紫傳龜之後可想功容而某仲弟具  
位某裂荷焚艾之初不輕位儷薄宦瀟湘之境密瞻  
星斗之光敢以同生聘于猶子雖門閭不稱頗違鄭  
忽辭大之言然鄉黨于鄰或得王褒欲婚之意敬陳  
薄幣具載別牋

小一姪納幣胡氏親書

紹興三十五年十二月二十三日

飛鳳諧占已參同于初筮委禽匪強宜兼備于末將  
做二纁三黑之儀成八木九金之數腆辭緘幣倘昏  
禮之无違筵廟迎門俟主人之有命 其如名物別

具翰牋

白虎通云納徵玄纁束帛離皮玄三法天纁二法地也云云

十二弟韓氏納幣親書

乾道四年五月

求繫當懲盍議朱陳之姓相攸可樂轍昏韓魏之家



唐益公文集 卷之六 江權卿親書  
幸南北之俗同志強羸之勢隔閭名納吉既荐辱於  
矜從束帛儷皮顧敢辭于菲薄其如名物別具殘封

江權卿親書

姊妹若人未忘前好弟兄猶子許續嘉姻豈無它門  
是式古訓伏承某人擣詞場屋擅無敵之聲以某姪  
女某人毓質閨房及有行之歲遠貽厚幣申講大婚  
因不失親彼既篤通家之契人惟求旧此詎移擇婿  
之軍薄禮往酬別緘具載

趙尉親書

乾道五年

變彼諸姬莫振周公之冑緒成二姓敢攀高帝之  
孫豈圖流落之餘乃講綢繆之契伏承某人端莊有  
立素推宗室之英而某女純靜無華早慕閨門之秀  
荷良媒之遠暨殆嘉耦之風成浩浩銀潢正賴餘波  
之及暉暉玉運更增朽質之光薄禮往酬別殘具載  
勸酬尚有長紅強半在休辭大白十分浮介圭早晚  
催歸覲應記臺城此日遊



唐文苑英華

卷之九

一百五十四





